

WAKITÀ UWANA YAKUBA ATSETSÈR Lettre de Jacques

Ayyi

¹ Gi Yakuba, uwana gi mayà aña Zəzagəla, la Sufəl Yesu Kristu, la uwana gətsetser wakità uwanay la ahəl gulo: “Ayyi”, gəgodf à akul, akul azladza tsəhay aña Zəzagəla uwana kasləhaw gəl à ahəŋ gesina.

Zəzagəla atapla matsihila aŋha à azladza

uwana tafa gəl à masla à afik

² Azlabəza gay ləv gulo, baŋa azlamaguray anik anik tabəza à akul kà, rabàw kaykay. ³ Kà uwana kasəlaw lela, kà baŋa tagur madiŋal gəl à vok aŋkul, ŋgaha atsizlla à afik lela kà, madiŋal gəl à vok aŋkul adàvə mabasiŋ. ⁴ Tsizllàw à ahəŋ lela kà mabasiŋ aŋkul aña mapəhla vok ala tsərəh à makədf gəl à ahəŋ, kà akul aña mapak sətaka aña tetuwa, ŋgaha ləv aŋkul aña magay kokudfa mawisiga. ⁵ Baŋa dza uwana matsihila aŋha la ahəŋ aw kà, anava à Zəzagəla uwana avàhahay la ləv tekula, uwala akwesla à dza aw. Ndzer kà, av matsihila à dza, uwana anaval kokudfa masləhal à vok. ⁶ Ama baŋa dza anava tatak anik la slaka Zəzagəla kà adiŋal gəl à vok ndzer, kà Zəzagəla avəl, kokudfa mabək gəl à ahəŋ səla. Kà uwana dza uwana abək gəl à ahəŋ

səla kà, bokuba maganṣay aṅa iyaw, uwana afad abəlakəṅ la dərəv la afik. ⁷ Kà aṅa tsəhay dza uwaga adzugw kà: “Gedàbeza tatak la slaka Zəzagəla”, agod aw. ⁸ Kà à uwana abək gəl à ahəṅ səla, anəfa tetəvi aṅha.

Gay lakəl aṅa ləmana la kudfa

⁹ Dza kudfa gà uwana anəfa Yesu Kristu, uwana tafa à matugway à abà aw kà arab, kà uwana Zəzagəla atugw à makoray aṅha à abà. ¹⁰ Ama dza uwana galepi gà, aga la matugway uwana la abà, masla bay kà arab kà uwana. Zəzagəla apəhla ala kà lemana aṅha kà uwana asafay aw. Ngaha amətsay la vərđi anik, bokuba azlamawuratatay uwana tanisay. ¹¹ Afats avəđay la ndzəđa, ṅgaha agul azlakəsaf ala. Azlamawuratatay tanisla, mahəđay aṅatà adəv à gay. Dza galepi gà adəmətsay bokuba azladza anik gesina la sləray aṅha la abà bay suwan.☆

Gay lakəl aṅa azlamatərbay

¹² Marabay agay la dza uwana abasa azlamaguray uwaga lela gesina, adàbəza sifa adəv à gay aw, uwana Zəzagəla apəh à ahəṅ kà aṅa azlauwana tawoya masla. ¹³ Dza atəđ à mapapatay à abà kà, adzug kà: “Zəzagəla la uwana apapat gi”, agod aw, kà uwana dza aslala vok mavavar Zəzagəla kà madàh mawisiga aw, ṅgaha bay Zəzagəla apapat dza bay aya aw. ¹⁴ Madzugway mawisiga uwana la ləv aṅa dza la tsəh, la uwana adək dza à madàh mawisiga

☆ **1:11** 1.11 Yesayya 40.6-7

à abà. ¹⁵ Azlatatak mawisiga uwana adzugway la løy anha la tsəh kà, la huma la gay nuy kà, adəhəŋ la dazuwaya. Mok uwana tsakana uwaga adanazila kà ayyi mamətsay.

¹⁶ Azlabəza gay løy gulo, dza avavar akul aw. ¹⁷ Azlatatak dziriga gə kà, tatsa à ahəŋ la slaka Zəzagəla Baba gami, uwana adahà uwaga gesina la zagəla la afik. Azlatatak dzəba anha səla aw gə kà, uwaga tatsa à ahəŋ la slaka Zəzagəla Baba, uwana adahà afats, təla la azlatsetsiliŋ. Mabəɖla vok la ahəŋ aw. Aday bokuba afats uwana aday kà mabəɖla vəɖ à wəŋ la afats aw. ¹⁸ Avà anu sifa kà la gay anha dziriga gə. Gesina adaha uwaga la mawoyəŋ anha, kà anu anja magay azlateranja la azlatatak uwana la abà adahəhəŋ.

Məkəs gay anja Zəzagəla lela

¹⁹ Azlabəza gay løy gulo, dzùgwàw à uwanay. Kəla kà, kəla uwabeyuwi ankul afa sləm à gay anja azladza anik, uwana tapəhay kà, tapəh katskats la zlawzlaw aw, tagəh azlaməna mapak løy katskats babay aw. ²⁰ Kà uwana dza masla løy gə kà, aslala vok anja madəh tatak uwana akəs à Zəzagəla à gəl aw. ²¹ Tsəhay gə uwaga kà, səw à uda la abà, kadəhaw tsakana aya aw, məsləkaw Zəzagəla ŋgaha məfa sləm à gay uwana afa à løy gami à tsəh. Gay uwaga kà la ndzəɖa, kà mabiy akul à tsakana ankul la gay ala. ²² Say kadəhaw tatak uwana wakità Zəzagəla apəhakulla, awkà katsəbawwal sləm pəra aw, kà uwana banja katsəbawwal sləm pəra la kokudə madəhəŋ kà, kavavaraw gəl ankul.

²³ Baŋa dza atsəb sləm à gay uwaga pəra, ŋgaha masla adfaha uwaga aw, kà masla kà adàpakay kalkal la dza uwana anəŋà huɗ à adi aŋha la kutərum la abà, ŋgaha anərəz vok aŋha. ²⁴ La lig manərəz huɗ à adi aŋha la ahəŋ, adiy aŋha, ŋgaha katskats madz à ahəŋ aŋa huɗ à adi aŋha avikaŋ. ²⁵ Ama kà aŋa dza uwana anərəz azlamapəhay aŋa Zəzagəla, uwana tavà à anu makor gəl kà, ŋgaha anəfa tetəvi aŋa mapəhay uwaga lela, Zəzagəla adàpisa gay à vok kà sləray uwaga. Dza uwana atsəb sləm à azlamapəhay uwaga ŋgaha avikaŋ aw kà, akəs gay aŋha lela. Kità kà, Zəzagəla apisa gay à vok la sləray uwana la abà, adəhəŋ gesina.

²⁶ Baŋa dza adzugw kà masla kà masla manəf Zəzagəla, ama baŋa asləh vok aləh aŋha aw, ŋgaha baŋa azlagay mawisiga pəra, tatsa à waŋ la paŋaw aŋha la awtəy, kiya uwaga kà, avavar gəl aŋha, manəf Zəzagəla aŋha kà deyday pəra, gay aŋha kà kalkal la madəɗay afad. ²⁷ Manəfay delga uwana akəs à Zəzagəla Baba gami à gəl kà, maf sləm à azlabəza matawan, ŋgaha la azlamis kuɗa, uwana tasa ŋgərpa. Ŋgaha dza la gəl aŋha asləh vok à vok aŋha babay, kà tatak mawisiga aŋa gudəŋ à vok uwanay aŋa mavavaray, ŋgaha madəhalla mawisiga à vok aw.

2

Azladza gesina kà kalkal la huma Zəzagəla

¹ Azladedə gulo tsa kadiŋawwal gəl à Sufəl gami Yesu Kristu à vok, kà uwana masla kà mənŋa, aduwa azlatatak gesina la mazləbay kà.

Kità kà akul kà, kayahawani dza mayahay aw!
² Zlahaw azladza sèla tatsawan à maham à gay à vok ankul à abà. Tekula anata atsokw à lukut delga gà à abà, la azladzedà anja luwàluwà la ahàl aya. Dza anik uwanay kà kudà gà, azlamakatsekatse pèra adadaw à vok. ³ La abatà: 'Ayyi', kagofaw kà à masla madaw à lukut delga gà à vok, kagofawwal: "Sà anak à abanay, dzà anak à madzay la kursi la afik!" Ama masla kudà kà: "Tsizilla à abà gà", banaw kagofawwal, "Tsehùr à makèla asik gami la abanay." ⁴ Baña kadahawwan kiya uwanay kà, kayahàwànì dza mayahay aw takay? Kay kazinàw vok à dza anik uwanay ala, azlatatak uwana kadzugwaw kà mawisiga. ⁵ Azlamèna gay lèw gulo, fàwal slèm lela, kasèlaw kà Zèzagèla atsatsàmànì azlamèna kudà anja gudèñ à vok uwanay, kà atà anja madin gèl à Yesu à vok aw, takay? Ngaha kà atà anja mabèzal lèmana dziriga gà. Atsatsàmànì atà, kà atà anja mabèzal makoray, uwana apèh à ahèñ kà mavày azlauwana tawoya masla. ⁶ Ama akul ma, kà mana à uwana kazinàw vok à azlamèna kudà ala ma? Azlagorobu la uwana tasàhàh tatèrèbàh akul aw takay? Ngaha atà la uwana tabayàh akul à huma seriya aw, uwà? ⁷ Atà la uwana tatsàc gay à slèm anja Yesu Kristu uwana à tsèh, Zèzagèla avà à akul aw takay?

⁸ Makès mapèhay anja makoray uwana aduwa azlaanik dèwdèw, uwana tatsètser à wakità Zèzagèla à abà kà, kà delga. Mapèhay uwanay agod:

'Wòyà masla magay anak kalkal bokuba uwana

kawoya gəl anjak. '☆

Anja kiya uwaga kà, delga kadahawwanj. ⁹ Ama baŋa kayàhàwàni dza kà mayahay kà, kadahàwwànj kà mawisiga, mapəhay adəslinid akul, kà uwana kapəsewaw masla. ¹⁰ Amiyaka baŋa dza akəs mapəhay anja Zəzagəla gesina, ama apəsew kà tekula anjatə pəra, dza uwaga kà adəpəseway kà gesina anja la huma anja Zəzagəla. ¹¹ Kà uwana masla uwana agòd: “Kada à gəl gaw aw”, agòd aya babay: “Kakəd dza aw.” Baməraka kada à gəl gaw aw, kakəd dza, kà bà kakweska mapəhay anja Zəzagəla.☆
¹² Kà uwaga gəgod à akul, la azlatatak uwana la abà kapəhaw gesina, ŋgaha la azlatatak uwana la abà kadahawwanj gesina bay: Sèlāw kà: Zəzagəla adəhakullanj seriya à gəl. Adəguray à baŋa kakəsaw mapəhay uwana avà à anu makor gəl. ¹³ Baŋa dza la vok mahamay kà azladza anik aw, la mok seriya kà, vok adəhama à Zəzagəla kà masla babay suwanj aw. Ama baŋa vok ahama à ka, kà azladza anik, Zəzagəla adədukw à ka seriya à gəl suwanj aw.

Dza uwana avà ləv anja à Yesu kà, adahaha sləray babay

¹⁴ Azladedə, baŋa dza apəhay la gay kà: “Gədiŋ gəl à Zəzagəla à vok”, agòday, uwala adah uwana: “Dahàwwànj”, Zəzagəla agòd aw kà, gay anja kà akəs vok aw. Madiŋal gəl à vok tsəhay gə uwaga kà abələn aw, dabaray la ahən aw. ¹⁵ Zlahaw masla gay Zəzagəla la ahən,

☆ **2:8** 2.8 3Musa 19.18 ☆ **2:11** 2.11 2Musa 20.13-14; 5Musa 5.17-18

uwana anəkudfa aṅa lukut ṅgaha anəkudfa aṅa tatak may babay. ¹⁶ Baṅa dza la ahəṅ la tataka aṅkul la abà agod' atà: "Zəzagəla apis à akul gay à vok. Anasl akəd' akul aw, may azakul aw", uwala avà à atà tatak, uwana tanəkudfa aṅatà aw, gay aṅha ma akəs à atà vok takay? Awaṅ. ¹⁷ Madiṅ gəl à Zəzagəla à vok kà kalkal la uwaga babay suwaṅ. Baṅa dza agod' kà: Gədadin gəl à Zəzagəla à vok, ama uwala adfahàh uwana Zəzagəla anavay aw, kiya uwaga kà, madiṅal gəl à vok aṅha kà mamətsay gə. ¹⁸ Zlahaw baṅa dza agod'ay kà: Gədin gəl à Zəzagəla à vok, dza anik agod'ay aya kà: Gədfahàh sləray delga delga gə. Tatak uwana gədəpəh à ka kà kiya uwanay: "Pəhgəla tsəhay mav ləv aṅak à Zəzagəla, ṅgaha sləray delga gə aṅak uwana kadfahàhəṅ tsi!" ṅgaha gədəpəhkala azladal sləray gulo, kà kak aṅa manəṅəṅ kà, gəvə ləv gulo à Zəzagəla kà, uwana sləray uwaga apəhla ala kà, gəvə ləv gulo à Zəzagəla. ¹⁹ Kasəl kà Zəzagəla kà tekula pəra. Delga. Amiyaka azlamazlazlay babay kà tasəl masla babay, ṅgaha guba akəs atà kà uwaga. ²⁰ Gəl aṅak kà dzaṅdzaṅ, tsəb gi sləm: Gəpəh à ka, baṅa kadin gəl à Zəzagəla à vok, ṅgaha kadfahàh sləray delga gə aw kà, uwaga kà tatak uwana akəs vok aw, deyday pəra. ²¹ Baba gami madzidziga Abəraham agà dziriga la huma Zəzagəla. Agà dziriga kà la azlatatak uwana adfahəṅ, uwana akəs bəzi aṅha Isak kà makəd'ay à Zəzagəla aw uwà?☆ ²² Lagonay kasəl kà Abəraham adin gəl à Zəzagəla à vok,

☆ **2:21** 2.21 1Musa 22.1-14

ngaha adfahà azlaslèray delga gà babay. La madehəŋ kiya uwanay avà ləv aŋha à Zəzagəla aŋa tetuwa. ²³ Tatak uwaga kà adàbəza à waŋ bokuba uwana tatsətsər à wakità Zəzagəla à abà: 'Abərahəma afa madzugway aŋha à Zəzagəla à afik, kà uwaga à uwana Zəzagəla apakàŋ ala dziriga la huma aŋha.'✧

Abərahəma apakà slawda aŋha. ²⁴ Iyay zlà, kanəŋəŋ aw ay? Dza aga la dziriga la huma Zəzagəla kà madegolay sləray aŋha uwana adfahəŋ babay, awkà la madiŋal gəl à vok pəra babay aw.

²⁵ Dzùgwàw lakəl aŋa Rahab, masla mazaḅ zil gà babay tsi, agà kiya uwaga babay. Mok uwana azlaməna matsəḅ sləm aŋa azla Isərayel tahàd à slaka aŋha kà, azlakà à atà, apəhatàla tetəvi anik kà atà manəfay. Kà uwana adfahəŋ kiya uwanay la uwana, Zəzagəla agəŋ dziriga la huma aŋha.✧

²⁶ Baŋa sifa la dza la vok aya aw kà, dza uwaga kà adàmətsay. Madiŋ gəl à Zəzagəla à vok babay kà kiya uwaga. Baŋa sləray delga la tsəh aw, kà uwaga kà tatak uwana akəs vok aw, deyday pəra.

3

Nəŋàwla aləh aŋkul lela!

¹ Azladedə gulo. Məsəl kà azlauwana tatapla azladedə anik tadàbəza seriya daḍuwa aŋa azladza anik. Gay gà la uwaga kà, kawoyaw mapakahay azlaməna matapla azladza məŋga aw. ² Anu məḍfahəh mawisiga aŋuvaw. Baŋa

✧ **2:23** 2.23 1Musa 15.6; Yesayya 41.8 ✧ **2:25** 2.25 Josu'e 2.1-21

dza adàh mawisiga la mabafma la abà aw kà, masla kà dza dziriga, masla kà aslaha vok à vok anha lela. ³ Dzùgwàw lakèl anja pèlis tsi, uwana mofàhàh zagoma à pèlis à gay kà, kà masla anja makès gay gami, ngaha kà manèf tetèvi uwana asa à anu. ⁴ Dzùgwàw babay lakèl anja mènj kèsлах iyaw. Keslah iyaw uwaga kà mènja gà, ama bèzi tatak ñuvga la ahèn à uwana adala, amiyaka bà afad awul atà à adi babay, kèsлах iyaw kà aday à slaka uwana asa à masla madalla. ⁵ Alàh anja azladza bay kà kiya uwaga. Adagay bèziga babay kà, atsa zlapay hazlak hazlak. Kasèlaw kà, kà bèzi akàl kà, ababèh mèlèm mènja à gay gesina, bèhbabèh. ⁶ La alàh anja dza babay kà kiya akàl. Mawisiga anja gudèn à vok uwanay kà, aga la abà, la vok gami la abà. Awis dza ala gesina, masla la uwana tatak maz sifa anja dza ala. Akàl uwaga la gèl anha, mavats vok gà la guduh akàl la abà, uwana azàh dza ala tetuw tetuw. ⁷ Azladza takor azlatatak gesina, takor azlatatak asik, la azlatatak mahoyay la zagèla, la azlatatak maday la hud, la azlatatak uwana la iyaw la abà. ⁸ Ama azladza taslala vok anja makor alàh anjatà aw, uwaga kà bèzi tatak mawisiga, uwana dza aslala vok anja mafèdàl gay à ahèn aw. Ahèn ala la magur uwana akèd dza. ⁹ Mèslèkaw Sufèl Zèzagèla Baba gami la alàh uwanay, ngaha mètsafila azladza bà la alàh uwaga aya gotènanj. ✧ ¹⁰ Gay mazlèbay la gay matsafay tatsa à wanj bà la gay uwaga la awtày. Azladedà azlawla kà vok kà madehèn kiya uwanay aw. ¹¹ Iyaw matsidayga,

✧ 3:9 3.9 1Musa 1.26

la iyaw zazəmzəmga atsa à uda la suwa tekula la abà aw. ¹² Azladede, gudəv ayyi kuvu aw, matavəruk ayyi gudəv babay aw. Bay aya kà, iyaw matsidəyga atsa à uda la iyaw zazəmzəmga la abà aw.

Matsihila uwana atsà à ahəŋ la slaka Zəzagəla

¹³ Aga la ahəŋ dza matsihila gà la tataka aŋkul la abà ay? A uwana atsənà azlatatak ay? Adfahà azlatatak delga, ŋgaha azà gəl à vədəfah babay aya, uwaga apəhla ala kà, aga la matsihila. ¹⁴ Ama baŋa kadəfahaw maŋor à azladza anik à vok, ŋgaha akul la ləv səla, ŋgaha kadzugwaw kà lakəl aŋkul pəra, kiya uwaga kà, katsaw zlapay deyday aw, ŋgaha kapəhaw mawisiga à dziriga à gəl bay aw. ¹⁵ Tsəhay haŋkəli uwaga kà, atsà à ahəŋ kà la slaka Zəzagəla aw, atsà à uda kà la gudəŋ à vok uwanay la abà. Matsihila aŋa Zəzagəla aga la abà aw, uwaga asa à uda kà la ahàl aŋa seteni. ¹⁶ La slaka uwana azladza maŋor gà la ahəŋ kà, tadzugway kà à gəl aŋatà pəra, azlatatak tada à vok la tetəvi aya aw, ŋgaha azlatatak mawisiga gesina tadəyyi à tsəh lakəl aŋa uwaga. ¹⁷ Ama matsihila uwana atsà à ahəŋ la afik kà gərgər. Dza tsəhay matsihila uwaga kà sətaka, masla kà tələmma, adzadzaŋa gəl ala aw, masla vok mahamay, koksikoksi masla kà adəhəŋ kà azlatatak delga gà pəra. ¹⁸ Azladza uwana atà la ləv tekula, la uwana tavà lapiya à azladza anik, sləray uwana tadəhən kà, adàvə mayyay delga gà, adəkəsa vok. Uwaga kà bokuba uwana taslək tatak à guf à abà ŋgaha

tatsəf uwana tasləka. Atà kà, azladziriga la yewdi aña Zəzagəla.

4

Azlaməna mawoy tatak aña gudəŋ à vok

¹ Kà mana kapahaw gay la magazlay koksi-koksi ma? Hadəy aw ay? Kagazlahaw kà, kà uwana madzugway mawisiga aŋkul apa slagəla la ləv aŋkul la tsəh. ² Kakəɗaw yewdi à azlatatak à abà, ama kabəzawwal aw, gay gà la uwaga à uwana akul kakaɗaw dza. Kakəɗaw yewdi à azlatatak à abà, ama kaslawwalla vok mabəzal aw. Gay gà la uwaga à uwana, kagazlahahaw la map slagəla. Kabəzawwal tatak uwana asa à akul bay aw kà, kà uwana kanavaw kà à Zəzagəla kà masla aña mav à akul aw. ³ Amiyaka baŋa kadəvaw kudfa à Zəzagəla kà, masla mav akul kà kabəzawwal aw, kà uwana kadəvaw kudfa la tetəvi aŋha aw. Kanavaw kà azlatatak uwana akəf akul à adi pəra. ⁴ Ndzer, akul kagagahaw bokuba azlamis məna mazaɓ zil gà, uwana tadza à ahəŋ la slaka la abà titi aw. Bà la hadəy kà, kasəlaw kà, baŋa dza awoya tatak aña gudəŋ à vok kà, masla kà masla məzam aña Zəzagəla. Dza uwana akəs, anəfa azlatatak aña gudəŋ à vok kà, apaka masla məzam aña Zəzagəla. ⁵ Kadzugwaw kà gay uwana tatsətsèr à wakità Zəzagəla à abà kà akəs vok aw, kagoɗaw aw. Tagòf:

'Kà Zəzagəla kà maŋor aña Masasəfok, uwana avà à anu.'

⁶ Daɗuwa à gay uwaga aya kà apis anu gay à vok, tatsətsèr à wakità Zəzagəla abà:

'Zəzagəla akweska azlaməna zlapay, ama apis gay à azlauwana à vok atà tələmma.'[☆]

⁷ Gay gə la uwaga hòyàw yewdi aña Zəzagəla koksikoksi. Kwesàwkà seteni, ɲgaha adàhoy akul à ahəl. ⁸ Sàw à waɲ, zàw vok à slaka Zəzagəla, ɲgaha masla adàza vok à slaka aɲkul babay. Akul, uwana akul azlaməna tsakana, sàwla ahəl aɲkul à uda la tsakana la abà. Akul azladza uwana la ləv səla, dèdāw mawisiga aɲkul la ləv ala tetuwa. ⁹ Zàwàwla gəl kà tsakana aɲkul, bəkàw ahəl à kudfa, ɲgaha tsàhàw hulolo. Kakəfaslaw aw, ama tawaw. Karabaw aya aw, ama zawawla gəl. ¹⁰ Wulàwla gəl à vədah la huma Zəzagəla, kà masla aña makəs akul à afik.

Katsədfaw vok gay à tsəh kà akul à akul aw

¹¹ Azladedə, kapəhaw mawisiga à azladza anik à vok aw, dza uwana apəh mawisiga lakəl aña masla magay aɲha, ɲgaha atsədfal gay à tsəh, kiya uwaga kà, apəh mawisiga lakəl aña mapəhay aña Zəzagəla. Masla kà, atsədf gay à mapəhay à tsəh babay. Kayyà, baɲa katsədf gay à mapəhay à tsəh, kak kanəfa masla aw, katsədfal gay à tsəh pəra. ¹² Dza tekula la uwana avà mapəhay à azladza, uwaga kà Zəzagəla, masla kà masla seriya. Masla kokudfa gəl aɲha la uwana aslala vok kà mabəl azladza, ɲgaha masla kokudfa gəl aɲha la uwana akədfay aya. Kà aɲak ma: “Gi uwa?”, kagodf, à uwana katsədf gay à masla magay aɲak à tsəh uwa?

Kagaw azlaməna zlapay aw

[☆] 4:6 4.6 Haɲkəli 3.34

13 Tsèbàw gi slèm, akul azladza uwana kagodfaw: Lakana banjaw lebəŋ, mədàda à gudəŋ anik mədàdza à ahəŋ la abatà mavay tekula, kà mədàbəza sili. 14 Akul azladza uwana kapəhaw kiya uwaga kà, kasəlaw uwana adàpaka vok lebəŋ aw. Sifa aŋkul kà kalkal la kəsək uwana akəsalla, apəhla vok ala, ŋgaha la lig la ahəŋ kà, adàsahla aya.✧ 15 Uwana naka kapəhaw kà: Baŋa asa à Zəzagəla madàdza à ahəŋ la sifa, mədàdfehəŋ tatak uwanay banjaw tatak uwahà. 16 Ama baŋa kiya uwaga aw kà, akul azlazlapay, gay uwana kapəhaw kà, say gay zlapay. Madfehəŋ kiya uwaga kà delga aw, mawisiga. 17 Kità kà, awul akul à gəl, baŋa dza asəl madàh delga, ŋgaha adahan aw, kiya uwaga kà masla adadàh tsakana.

5

Akul azlaməna gorobu d'ahàw haŋkəli

1 Akul azlaməna gorobu tsèbàw gi slèm, kà uwana naka akul katawaw la matsàh hulolo, kà azlaŋgərpa uwana kadàsahaw. 2 Kà uwana ləmāna aŋkul adàzinla, ŋgaha maməŋ adàzaw lukut aŋkul à gay. 3 Luwàluwà aŋkul la gursu aŋkul kà, marzaw adàkasay, ŋgaha marzaw adàgay bokuba sayda lakəl aŋkul, ŋgaha adàpaday vok aŋkul à gay, bokuba akəl. Kahamaw ləmāna à ahəŋ kà la makəd gəl à ahəŋ gudəŋ à vok. 4 Uwanay la uwana masik aŋa azlaməna sləray, uwana tapàs guf aŋkul, ŋgaha mapuw gudzi aŋa dziriga aŋa azlaməna sləray adaday à

✧ 4:14 4.14 Haŋkəli 27.1

huma Zəzagəla uwana la zagəla la afik, ɲgaha masla uwana akoray lakəl aɲa tatak gesina adatsən atà.✧ ⁵ Kadzàw à ahəɲ la matsiday la abà la gudəɲ à vok, kadahaw tatak uwana asà à akul. Kazùwàw lela, kagagəsèhàw dadaftakorra bokuba azlasla uwana tagagəsèh atà aɲa makaday. ⁶ Kakadàvàw seriya à azladza uwana à gəl tadahəɲ mawisiga aw, kakàdàw atà babay, atà kà takweskà akul aw.

Basàwwàɲ ɲgaha dèvàw kufa

⁷ Azladedà, kà uwaga gəgod à akul, basàwwàɲ tsərəh à kaslà uwana Sufəl gami awul à ahəɲ. Dzùgwàw lakəl aɲa masla mapəs guf, akud matsəf tatak aɲha la mabasiɲ. Akud iyaw madzəba iyaw tsərəh à madiy aɲha aɲa iyaw. ⁸ Akul babay basàwwàɲ kiya uwaga, wàdàw ləv ala, kà uwana mavakay uwana Sufəl gami adàwula à waɲ kà nekwa. ⁹ Azladedà gulo katsetseslaw vok gay à vok kà akul à akul aw, ɲgaha kà Zəzagəla aɲa makəs akul la seriya aw. Tsəbàwwal sləm, masla seriya kà atsa à waɲ, aga la gay gamagày. ¹⁰ Azladedà gulo, dzùgwàw à azlaməna mapəh à atà gay à ahəl uwana uwarà, tapàhàh sləm aɲa Zəzagəla. Tapàwla azlatatak la atà la afik, bokuba uwana tasàh ɲgərpa, ɲgaha tadzà à ahəɲ la mabasiɲ la abà. ¹¹ Məgod kà, azladza uwaga tasà à afik la ahəl, kà uwana tabasàɲ. Katsənàwwàɲ lakəl aɲa Job. Kakay abasàɲ azlatatak uwaga la mok uwana asà ɲgərpa ma? Akul kasəlaw babay kà Zəzagəla adahàlla delga la lig aɲa mas ɲgərpa aɲha la

✧ 5:4 5.4 5Musa 24.14-15

ahəŋ. Haɗay, vok ahamà à Zəzagəla kà azladza uwatà, adahà à atà delga.✧

¹² Azladedda gulo, gay kaykayga kà aganay: Baŋa kapəhaw gay anik kà, kazuwaw mawad̄ay aw, kazuwaw mawad̄ay la zagəla aw, kazuwaw mawad̄ay la gudəŋ à vok aw kazuwaw mawad̄ay la tatak anik aw. Baŋa kagəɗawwan̄ à afik gòɗaw: “Iyay”, pəra. Baŋa kagəɗawwan̄ à afik aw: “Awan̄”, gòɗaw pəra. Pəhàw kà kiya uwanay pəra, kà seriya aŋa Zəzagəla aŋa matəɗ à akul à gəl aw.

¹³ Dza la ahəŋ la tataka aŋkul la abà as ŋgərpa ay? Adəv kuɗa à Zəzagəla. Dza la ahəŋ la tataka aŋkul la abà la marabay ay? Masla azləba Zəzagəla la mahabay. ¹⁴ Dza la ahəŋ la tataka aŋkul la abà la d̄uvats ay? Masla azala azlamasiga aŋa gay Zəzagəla, kà atà aŋa madahalla amàl à gəl, la sləm aŋa Sufəl gami Yesu. Ŋgaha tadəv kuɗa à Zəzagəla kà masla. ¹⁵ Baŋa tadin̄al gəl à vok kà, madəv kuɗa aŋatà uwana tatsizilla à afik kà, adàbəl masla d̄uvats, ŋgaha Zəzagəla adàtsizlləŋ ala aya. Baŋa adad̄ah tsakana kà, Zəzagəla adàmatsalan̄ ala babay. ¹⁶ Kà madegolay uwaga gəgof̄ à akul: Pəhàw gay ləv ala kà akul à akul, ŋgaha kadəvaw kuɗa à Zəzagəla kà mawurla. Madəv kuɗa aŋa dza dziriga la huma Zəzagəla aga la ndzəɗa lakəl aŋa azlatatak gesina. ¹⁷ Dzùgwàw à Eliya uwana uwarà tsi. Eliya kà dza bokuba anu babay, kiya uwaga dagay kaslà uwatà adəv kuɗa à Zəzagəla tsərəh mavay makər la tenma,

✧ 5:11 5.11 Job 1.21-22; 2.10; Mahabay 103.8

iyaw asùw à makoray uwatà à abà aw. ¹⁸ La lig aña uwaga la ahəŋ, adzəkà madəv kudfa aya, kà iyaw aña masuway aya, kiya uwaga Zəzagəla avà iyaw aya, ŋgaha azlatatak tadzəkà mas à uda aya.✧

¹⁹ Azladedə, baŋa dza la ahəŋ la tataka aŋkul la abà az à tetəvi dziriga aña Zəzagəla la tsəh ala dogdogogga, ŋgaha dza anik awùlla à tetəvi à tsəh, ²⁰ səlāw kà, dza uwana awùlla masla tsakana à tetəvi à tsəh kà, masla aña mas à uda la tsakana la abà kà adàbiyəŋ à mamətsay la gay ala. Baməraka tsakana aŋha məŋga, kà Zəzagəla adàmatsalaŋ ala, hadfay.✧

✧ **5:18** 5.18 1 Sufəl 18.42-45 ✧ **5:20** 5.20 Haŋkəli 10.12

**Wakità Zəzagəla Wakitə Anja Makəs Vok
Slawda Mawga (Cameroun)
Matal: Wakitə Zəzagəla Wakitə Anja Makəs Vok
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 13 Jul 2024 from source files
dated 29 Jan 2022

03efbf2f-98ca-5534-8610-0be3a8c4b974